



14115

III

Mag. St. Dr.


P

hat komp

m. flor.

ensis

Ochocki Gabrielis: Tres mitrae, ducalis,  
doctoralis, episcopalis, generis, eruditionis,  
pietatis Illm. et Rm. Principis Cas.  
flor. Cracoviensis, Episc. Rom. imperatoris.





Biblioteka Jagiellońska



stdr0002914



T R E S

M I T R Æ,

DVCALIS, DOCTORALIS, EPISCOPALIS,  
GENERI, ERVDITIONI, PIETATI,*Illustrissimi & Reuerendissimi Principis*

CASIMIRI FLORIANI

DVCIS IN CLEVAN

CZARTORISKI,

EPISCOPI POSNANIENSIS

impositæ;

EIVSDEMQUE CELSITVDINI,

In primo & auspiciatissimo suæ Ecclesiæ  
ac Urbis ingressu,

A

14115 III

G A B R I E L E O C H O C K I

*In Alma Vniuersitate Cracouiensi Eloquentiæ ac**Philosophiæ Auditore,**a M. Floriano Lepiecki**Pro. Doc. et in alma Vniuers. Crac.*  
Boni ominis, & voti Academici gratiâ *Professore.*  
officiosissimè

D E D I C A T Æ.

*Anno Domini, 1651. 7. Maij.*

C R A C O V I Æ,

M.

In Officina Typographica Francisci Cæsarij, S. R. M. Typog.



IN ARMA  
ILLVSTRISSIMÆ DVCALIS  
PROSAPIÆ.



**Q**ui ruit infestos rapidus Bellator in hostes,  
Quæris: an ex acie leta trophæa ferat?  
Inspice Tres nitidas ( Titulo monstrante ) Coronas,  
Crinibus impositas Dux CASIMIRE Tuis:  
Sterne Eques aduersas Fidei Patriæq; phalanges,  
Præmia quæ prændas? PVR PVR A sola manet.

Ioannes, & Hyacinthus Ochocki,  
Stud: Almæ Acad: Crac.





# ORATIO.



Vm vniuersum mortalium genus naturæ ipsius habitu in secundis ac prosperis rerum suarum successibus magnopere gaudeat, **PRINCEPS ILLVSTRIS- SIME**, tum potissimum eâ tempestate, omnes bonos religioni ac saluti Patriæ deditos, supra modum exhilarari certum est, quâ Sacrosanctæ Religionis diuiniq̃ue cultus in Orbe Christiano summa & maxima profluunt ac proueniunt incrementa. Quod cum hac ipsâ auspiciatissimâ die solennis Tui ad Ecclesiam Posnaniensem ingressus, quâ primum splendor Tuæ dignitatis, inelytæ huius Ciuitatis ac vniuersorum Patriæ Ciuium perstringit oculos, quâ & feruentioris diuini cultus, & omnigenæ felicitatis exorientis cum ingrediente in suam Sedem Episcopo innouantur auspicia, luce meridianâ clariùs pateat; non modò Maior Polonia ex Pastore ac Parente suo optimo, sed vniuersum Regnum Sarmatiæ ex integerrimo Ciue ac Senatore amplissimo, incredibili animi voluptate perfruatur, est necesse. Neque solùm ea de causa, quòd pridem debitum Tuis virtutib⁹ honorem, quem nascendo merueras, nunc recipias, qui non casu atque fortuitò, sed Dei prouidentia, deinde Serenissimi Regis nostri **CASIMIRI** Quarti voluntate Tibi contigerit: verùm etiam, quòd augusta Maiorum Tuorum amplitudo, maximaq̃ue eorum in hoc Regnum Poloniæ merita, quæ ad Te quasi iure hereditario perueniunt, fructum sunt amplissimum consecuta. Nam si in palæstra primus ijs locustribuitur, qui robustissimi, & qui exercitatissimi in hac sunt concertatione; quantò magis decet, vt Tu **PRINCEPS ILLVSTRIS- SIME**, qui nobilissimo genere, virtute ac meritis in Ecclesiam Dei cæteris antecelluisti, ad nobiliores partes in Ecclesia Dei ac Republica Polona administrandas euoceris? Quare cum præsentem summi istius Tui in Ecclesia honoris accessionem, innumerabilium hominum Tibi vndique occurrentium multitudo, hæc ex vniuersis Regni Ordinibus delecta lumina, hæc insolita religiosissimi Cleri animorum hilaritas, hæc lectissimæ Nobilitatis frequentia, omnis insuper hominum ætas, omnis sexus, omnis conditio, effusis votis & acclamationibus excipiat: nec nostræ Academicæ literæ, quæ in Tuo patrociniò & auctoritate, omnem decoris, pacis, & tranquillitatis



quillitatis suæ spem indubitata deponunt, possunt obmutescere; quin occurrunt potius, atque in exoriente istius honoris Sole singularia quæque pietatis ac obseruantiae studia effundunt, neque à quopiam in tam confertissima iubilantium corona, qui de Tuarum dignitatum ac fortunarum maximis incrementis vberiore lætitiæ segetem concipiat, vinci se patiuntur. Quo sanè nomine, dum Maiores mei, cum quibus ego nec ætate, nec iudicio, nec grauitate, nec dicendi sublimitate comparandus sum, Tibi, **PRINCEPS ILLVSTRIS** SIME, Episcopalem dignitatem in celeberrimo concursu spectatorum solenni ritu paulò ante Louicij adipiscenti gratulati sunt: Ego quoque eorum vestigijs, longè licet ad tam difficilem cursum expediendum imbecillior, insistere cupiens, spatiosam mihi viam virtutum Tuarum amplitudine commonstrante, nequaquam in animum inducere potui, quin in publica omnium ex honore Tuo lætitia, Ternionem quoque meum, fulgentissimâ Tuæ Celsitudinis luce coruscantem deuoto animo offerrem. Quem quibus artibus merueris, ostendâ, dum Trium hanc vnionē Mitrarum, quibus Gentilitij Tui splendoris Maiestas, eruditionis excellentia, virtutis ac pietatis amplitudo coronatur, Tibi tantorum ac tam sublimium bonorum compendio, & vnico ac singulari diadematis Regni vnioni impositam, eâ, quâ par est, animi obseruantia venerabor. Tu verò **ILLVSTRIS** SIME **PRINCEPS**, cuius inclyto nomini, rudem quidem illam ac effusam (quanquam leuiter gaudet, qui suum gaudium temperare potest) eloquentiam, ast deuoto in Te affectu profectam submittendam decreui: quantum Tibi inclyta Tui generis Prosapia, eruditionis vis, atque adeò hæc noua amplissimi Episcopalis honoris accessio celebritatis & ornamenti pepererit, pro singulari Tua in Academiam nostram humanitate, inter hos publicos gestientium animorum applausus, inter hos serenos gratulantium vultus, inter hæc vota optatissima, luce hodiernâ libens lubensque mecum recognoscas.

**V**erùm priusquam ad Te, **ILLVSTRIS** SIME **PRINCEPS**, Tuasque genuinas virtutes, non tam celebrandas, quam potius admirandas veniam, præludia quædam mihi ex antiquissima ac diuinissima Maiorum Tuorum memoria deprompta concinnanda esse censui, vt omnes intelligant, Maximos quidem Maiores Tuos omni loco & tempore fuisse, pulcherrimaque Tibi exempla ad imitandum domestica semper extitisse; sed Te ita gessisse, vt dignissimus semper tantis ac tam inclytis Heroibus in facie Urbis & Orbis vniuersi habitus fueris, illud Heroicâ mente Tuâ dies noctesque repetens, quo famam & laudes tantorum nominum adæques gloriosè. Enimuerò mihi spatiosum pelagus Tuæ Prosapiæ attentare cupienti, tanta subito in ipso portu amplissimi Tui Nominis claritas, tantus splendor vndique se præmonstrat, vt à Maiorum Tuorum gloria non humanam laudem, quam potius diuinitatem quandam consequi videaris. Quid enim vnquam post hominum memoriam sanctius laudabiliusque nobilissimâ Vestrâ Familiâ fuit? quæ multò plures Orbi dedit Heroës, quam vlla vnquam optare potuisset: ex qua plusquam decem Reges Poloniae, trecentorum annorum



753

norum interuallo, tot Illustrissimi præterea Principes, tot magnitudine animi præstantes Duces, continuatâ sanguinis successione prodierunt: ut omnino non in huius mundi caligine nata, verum è cælesti illa regione demissa, ad imperia & regna Terrarum esse videatur. Nam si à prima origine ipsum Atauum Iagellonica Stirpis, iubar illud Principum GEDIMINVM reproducerem, nonne hic posteaquam Pruthenorum ac Liouonum omni apparatu belli instructissimas cohortes pugnâ fregisset, & Russiæ ac Seueriæ Duces fortitudine excellentes perdomuisset, eorumque ditiones amplissimas, vrbes, arces, & oppida munitissima, multorumque populorum longè latèque patentes prouincias virtute & armis occupasset, solus tandem tot gentium ac nationum victor felicissimus, idemque formidandus earum dominator celebratus est? ut non modò apud deuictas, & suæ ditioni subactas, sed etiam vicinas quasque & remotissimas gentes, quas bellicâ fortitudine concusserat, illâ animi magnitudine nomen suum illustrauerit, docueritque luculentissimè, quot & quàm generosos Heroës in omnem seculorum memoriam è sanguine suo Sceptris & Coronis in orbem disseminaturus esset vniuersum. Atque ut interea loci illos LVBARTOS, CORIATOS, NARIMVNDOS, IAVNVTOS, Kiestvtos, Heroicam sobolem tacitus præteream, satisfacere me tantis nominibus posse confido, si vel vnius OLGERDI Principis nomen & famam saltem leuiter attigerò. Quâ ille cum ob inuictum animi robur, & tot relatas ex hostibus palmas florisset, tum quod Progenitoris GEDIMINI necem funestissimam de Pruthenis interfectoibus ita vindicasset, ut comparato multo suorum robustissimorum virorum exercitu, in fines ac ditiones parricidarum irruens, longè latèque rura & oppida munitionibus præsertim destituta, nemine eius imperum retundente, nullo ætatis ac conditionis habito discrimine, igni & ferro, obuia quæque per vniuersam propè Prussiam vastabat, populabat, trucidabat. Egregiam profectò, & omni seculorum memoriâ prædicandam optimi filij in persequenda Parentis nece contentionem. Sic ille ignito globo profusum sui Genitoris sanguinem, cruento Marte, & tam ferali effusione sanguinis cæsum aboleuit. Sed iam Chronicorum libri & monumentorum Scriptores magnis adumbrent laudibus hoc tantum OLGERDI paternæ pietatis facinus. Mihi verò cum tanti facinoris, & Heroicorum suorum gestorum admiratione, tum potissimum tot Heroùm ac Ducum fortissimorum, quos fortunatus susceperat, propagatione, nullâ vnquam temporis vetustate obscurandâ consecutus est adorè. Iam verò ILL<sup>ME</sup> PRINCEPS, D. IAGELLONIS Lituaniæ Principis, Primi è sanguine Vestro Poloniæ Regis, admirabili inusitataque virtuti, quod vnquam post homines natos par à disertissimis Oratoribus adferri potest Orationis genus? Qui cum Lituaniam, Samogitiam, & præterea magnam Russiæ partem fortis & strenuus obtineret, Hedvigim LVDOVICI Hungarorum & Poloniæ Regis filiam superstitem in matrimonium duxit, nobilissimasque iuris sui Prouincias, iam tum Christianus & Rex Poloniæ factus, Regno nostro sociavit. Quid hinc commemorem, quàm multis, quàm certis, quàm inusita-



227  
tis documentis pietatis suæ magnitudinem testatus est? Testis est, & habet  
quod in acceptis referat suo Principi Lituania, quam ab illa foeda ac barbara  
gentilitate atque inueterata superstitione auulsam ad veram fidem conuer-  
tit, & Dei vitæque cælestis heredem fecit. Quid inuictum animi robur,  
detracta Crucigeris spolia, alboris & inediae tolerantiam, austeritatem vitæ  
prædicabo? Quid extructarum ab eo sacrarum ædium multitudinem, quid  
diuitiarum Ecclesiastici Ordinis hominibus attributarum magnitudinem ex-  
ponam? Quid regiam illam verèque diuinam mentem, quâ in bonas literas  
promouendas ferebatur, prosequar? Ipsa Academia nostra Cracouienfis,  
quam ille tam munificè erectam grauissimis legib<sup>9</sup> & immunitatibus ad om-  
nem posteritatem dotauit, omnibus seculis atque gentibus gloriosum fuisse  
IAGELLONEM testabitur. Ex qua quot viri eruditione, religio-  
ne, moribus, vitæ sanctimoniâ clari, Ecclesiæ, Patriæ, bonis publicis pro-  
dierunt, tot IAGELLONI immortales adoreæ & superba trophæa eri-  
guntur. Quid verò de filio eius VLADISLAO Tertio, Poloniæ & Hun-  
gariæ Rege dicam? qui non degener à virtutibus Paternis factus, laborum  
ac esurialium dierum tolerantissimus, animi excelsi, profusæ liberalitatis,  
spectatæ probitatis, comitatis, etiam aduersus hostes inusitatæ clementiæ,  
nihil vnquam abiectum ac humile cogitauit: quodque semel magnum cum  
animo constituerat suo, ab eo nullis vnquam difficultatibus abduci se patie-  
batur: in quo omnes virtutum imagines, quæ singulæ Magnos Principes  
ornare consueuerunt, velut agmine facto resplenduerunt. Namque cum  
nondum firmatâ ætate Turcas diu vexasset, multisque prælijs fudisset, fre-  
gisset, afflisset, auctoritate Pontificis Maximi, & innato belli ardore stimu-  
lante, redintegrato cum iisdem bello, tum quoque magnâ eorum editâ stra-  
ge, in media planè victoria, in ipsa tandem acie fortissimè dimicans, ad Var-  
nam occubuit. Sed suppleuit tam grauem iacturam fraternæ fortitudinis  
non minùs ac auitæ virtutis legitimus Heres CASIMIRVS Rex, quo fe-  
liciter regnante, bellum per quadringentos annos cum Prutenis gestum, pa-  
ce tandem optatissimâ cum gente Polona est conclusum. Quo sanè tempo-  
re Pomeraniam, Culmensem, aliasque vicinas Terras Regno Poloniæ, de  
quibus bello centum quinquaginta annis agebatur; tum Episcopatum Tem-  
plumque Culmense, genuinæ Matri Gnesnensi Archidicæcesi, à Crucigeris  
iniquo iure vsurpatum, felicissimè recuperauit. Neque hoc loci præterire  
possum ILL<sup>ME</sup> PRINCEPS, ALBERTI Regis memoriam, qui cum  
maximis animi sui ornamentis nemini Maiorum suorum celsisset, tum inge-  
nio arguto, acri iudicio, infatigabili industriâ, admirabili in euoluendis Hi-  
storiarum monumentis studio, Latinæ ac Germanicæ linguæ facundiâ  
clarissimus, animique magnitudine præstantissimus, omnium linguis atque  
literis celebratur. Cumque eo regnante fatalis illa septuaginta millium  
Turcarum tempestas inhorresceret, perque vniuersam Podoliam impunè  
grassaretur, obuios quosque pagos atque oppida instar turbinis versus Ty-  
ram & Haliciam, aliaque vicina loca igni ac ferro populasset, iura omnia di-  
uina humanaque contemneret, tum ipse æther, quem sibi pius ac sapiens  
Rex



754

Rex ante propitium reddiderat, pro eo militans, quæ humana vis reprimere nequibat, ea niuium copiâ & frigoris deleuit atque suffocauit. Iam verò ALEXANDER Rex insigni ac memorabili victoria ex Tartaris positus, domi forisq; perpetuam sibi gloriam, & scientiâ rei militaris, & liberalitate, quâ inter Fratres maximè excelluit, tum auctoritate ac felicitate singulari comparauit. Quid alter ille Sarmaticus Dauid SIGISMUNDVS Primus, cuius pietatem quidem & religionem, magnificentissima Tempia partim instaurata ac resecta, partim ditata, partim etiam à fundamentis excitata, & perpetuum prohibendæ à Regno suo Hæreticæ prauitatis studium: Bellicam verò fortitudinem, tam multæ, tam memorabiles de Moscis, Valachis, Tartaris, Turcis victoriæ, & vt cætera taceam, octoginta Scytharum millia vno ad Borysthenē prælio profligata testantur. Sed omnium Maiorum suorum gloriam sine dubitatione SIGISMUNDVS Tertius non solum adæquauit, verum etiam superauit, cum ob multas ac Regias suas virtutes, tum potissimum clementiæ laudem, quam ille præcipuam Maiestatis suæ comitem esse voluit; arbitratus, hoc Sceptum illustrius futurum, quod amore subditorum magis quàm auro radiaret. Quantum verò pietatis ac religionis sub hoc pio Rege Patria nostra accepit, tot ubiq; Tempia erecta, tot Monasteria (vltra ducenta!) extructa, tot Xenodochia condita, tot prouentibus amplificata, tot beneficijs dotata, tot ornamentis decorata loquuntur. At verò Inuictissimus VLADISLAVS Quartus quantus est? qui cum primum ætatis florem Bellonæ consecrasset, nihil unquam ad gloriam immortalitatemque amplissimæ laudis consequendam desiderauit. Testis est recens ipsius præclaræ gestorum memoria, cum Smolenscum egregiè tutatum propugnaret, & Moscos adigeret, vt maximum opulentissimumque Seueriæ Ducatum iure quodam hereditario Poloniæ nostræ adscriberent, ac tot ipsi arces, tot propugnacula vltro velut in foederis ac pacis pretium perpetuò donarent. Testis nunquam dignè satis de prædicanda victoria, cum Turcam immanissimum, qui in suam potestatem ditionemque Poloniam redigere, totum denique Terrarum Orbem, vel exiguo temporum spatio debellare præsumperat, inuictâ animi fortitudine ad Chocimum deiecit, Polonos à calamitate, ab atroci iniuria, ab insigni perniciæ vindicauit, crudelitate totum Orbem liberauit. In his verò afflictis planèque desperatis Patriæ rebus, in tam calamitosis ac tantis temporibus, quibus immanis rebellium Cosacorum ac Tartarorum perfidia in commune omnium nostrum iam iam armabatur excidium, nonne magnâ Dei misericordiâ, ac Serenissimi Regis nostri IOANNIS CASIMIRI consilio ac felicitate singulari, planè ab extrema, quæ nobis ab atrocissimo hoste turpissimè parabatur, seruitute, salui ac incolumes conseruamur? Quid mirum, PRINCEPS ILL<sup>ME</sup>, si nostra hæc Patria sub auspicijs Serenissimi IOANNIS CASIMIRI tuta & secura conquiescat, cum hoc illi non humano aliquo consilio atque prudentiâ, quàm potius Vestræ Stirpi peculiari quadam prouidentiâ Dei ab ipso inditâ, & felicitate, accidere non modò videmus, sed planè sentimus. Nam quoad mens nostra respicere potest



425  
spatium præteriti temporis, & Iagellonianæ Prosapiæ memoriam recordari  
vltimam, semper Patria nostra ex ea Reges optimos, vindices & conserua-  
tores libertatis acerrimos, religionis propagatores ardentissimos, pacis &  
integritatis Ciuium cultores eximios luculenter agnouit: vt quidquid vn-  
quam in Ecclesia cultus Diuini, in Patria ornamentum, in Senatu amplitudinis  
atque splendoris, in Curia auctoritatis atque dignitatis, in foro æquitatis, in  
Ordinibus fidei & integritatis, in municipijs bonorum incrementi & conser-  
uationis conspicitur, id in CASIMIRIS, SIGISMUNDIS, AVGV-  
STIS, VLADISLAIS, ex Vestro sanguine procreatis, se accepisse fateatur  
est necesse. Ergo attollat hæc Magna Terrarum Numina grata Polonia, &  
eorum augusto nomini ad omnem seculorum memoriam perennia excitet  
monumenta. Sed in tanta sua iubilatione, Diuum præcipue CASIMIRVM  
Regum ac Principum florem, innocentiam, pietatis, ac sanctimoniam exem-  
plar, Dei ac Reginae cælorum delictum, Regni pupillam & Patronum, longè  
amplioribus vltra quàm etiam humana facultas patitur elogiorum titulis,  
vel potius submissâ animi pietate veneretur.

Sed quemadmodum in vniuerso non solum ipse sol lucidissimus, ve-  
rùm etiam multa præterea clarissima sidera conspiciuntur: ita quoque in  
Tua, PRINCEPS ILL<sup>ME</sup>, augusta Familia, non hæc tantum tam ma-  
gna mundi lumina sola luxerunt, verùm tot Duces magnanimi velut sidera  
quædam splendidissima Orbi Sarmatico radiarunt. Atque vt interea augu-  
sta illa OLGERDI germina, VLODIMIRVM Ducem Kijouiam, CO-  
RIBVTVM Zbarasij, ALEXANDRVM Sluciam, SIMEONEM  
Mscislauiam, VIGVNTVM Bidgosciam, SANGVSCVM Niesuisiam,  
sexcentosque alios ab his ortos bello acerrimos & fortunatissimos Duces  
præteream, quorum stupendis & nunquam satis laudandis bellicosis artibus  
vniuersus Septemtrio effloruit: vnde Tua potissimum PRINCEPS ILL<sup>ME</sup>  
antiquissima à CONSTANTINO Czartorisca & Seueriam Du-  
ce probatissimis moribus ac fortitudine Prosapia resplenduit, propius ac-  
cedam. Etiam hinc mihi sese offert non minus vetustate, quàm insigni in  
Patriam suam pietate memorandus IOANNE Sille Dux, qui velut alter  
Brutus aut Cassius boni publici ac integritatis legum ac iustitiæ vindex acer-  
rimus, illum Sigismundum Ducem Lituaniæ, iura Patriæ conuel-  
lentem, reliquos Principes horrendum in modum captiuantem & trucidan-  
tem, bona, possessionesque eorum amplissimas, iniquissimo iure, vi, ferro  
occupantem, non minus ac Iulium Cæsarem, ciuium saluti perniciem ac vl-  
timam calamitatem molientem, vti hostem Patriæ immanissimum interemit:  
iamque desperatis, ac grauius de vita ac fortunis periclitantibus Ducibus,  
optatam salutem ac libertatem restituit. Verùm longè maiori in Patriam  
pietate ac inuicto animi robore conspicuus, gratâ posterorum recordatione  
literarumque monumentis celebrabitur THEODORVS Dux Capita-  
neus Luceoriensis, qui superioribus temporibus, cum horrenda à Tartaro-  
rum atque Turcarum feritate tempestas ingrueret, quæ hoc inclytum Re-  
gnum Poloniæ, hanc pulcherrimam Patriam omnium nostrum, foedissimâ  
flammâ,



flammâ, totam denique Europam internecione & vastitate delere præsumebat, ita strenuè conatus eorum nefarios repressit, vt speratam ab illis victoriam summam in ignominiam suâ ac cæterorum virtute conuerterit. Quid commemorem huius filium ALEXANDRVM Ducem Palatinum Voliniæ, magnanimum ac fortem virum, qui paternæ fortitudinis egregius æmulator, non tantum magnoperè rerum à se præclare gestarum gloriam desiderabat, verum etiam vitam ipsam pro dignitate & incolumitate Reipublicæ Polonæ laudeque immortalis consequenda profunderè minimè verebatur: qui Valachos, Moldauos, Scythas, cæterasque perniciosissimas pestes, Pocuciæ & Podoliæ ingruentes, ab earum finibus, fortunis atque ceruicibus forti suâ dexterâ abegit. Vidit & admirata est tunc Polonia, inprimisque VLADISLAVS Poloniæ & Hungariæ Rex ac Frater eorum fortissimus, tantos Duces, ad omnes temporum motus vicissitudinesque stabili ac audaci animo rem bellicam strenuè ac fortiter tractantes, ac proinde memor tam impensæ eorum in Patriam fidelitatis, vnâ cum suis Proceribus ac Ordinibus Regni vniuersis, augusto eorum honori ac Heroicæ dignitati prospicere cupiens, Stemmata eos Ducali (quod etiam ex Patre possidebant) Equo scilicet, cui vir armatus insideret, in testimonium magnanimitatis, sempiternis temporibus vti censuit. Egregium profectò PRINCEPS ILL<sup>ME</sup> gentilitij Vestri splendoris insigne, quod Gentem Vestram à Maioribus suis ortam, non rhedâ aliquâ magnificâ, ad pompam & delicias priuatasque commoditates instructâ, quàm potius Martio Equo in obuios hostes cursu præcipiti irruente, & salutem Patriæ vehementissimè propugnante, longè latèq; per omnes Orbis terræ regiones gloriosam refert. Quoties enim & quot ille barbarorum legiones nostrum sanguinem sitientium discerpfit? Quoties per medias eorum acies peruolando totos exercitus in terram prostratos calcavit & dilaniavit? Quoties Turcarum, Tartarorum, Moldauorum, Valachorum, Moscorum, Cosacorum numerosissimas cohortes in exitium gentis Polonæ conspirantes, protrulit & dissipauit? Quoties salutem Ciuium periclitantem è media flamma viuacissimo cursu extulit & recreauit? Testis est, PRINCEPS ILL<sup>ME</sup>, qui claret huius Equi insignijs, decus illud Purpuræ IOANNES Dux Proauus Tuus, quem optimum Reipublicæ Senatorem, difficili sanè belli Moscouitici tempore, prudentissimus Rex Poloniæ AVGVSTVS, Palatinatui Kijouienli gubernando potissimum delegit & præfecit; qui tam insigni fide, religione, auctoritate, & bellis præstantissimus fuit, vt vbicunque se profuturum Patriæ putarat, nunquam labores subterfugisse, non recusasse pericula, non pepercisse facultatibus, non valetudinis vsum excusasse vnquam audiretur. Testis IANVSSIVS Dux, Illustrissimi Parentis Tui Patruus, qui more Maiorum suorum, cum ingentes sumptus pro Republica in Liuonica & Moldauica expeditione impenderet, tum verò potissimum Serenissimo Regi STEPHANO BATHOREO, prudentiâ, bello & pace gloriosissimo, ad perfidam Moscouiam perdomandam, insurgentesque in ea procellas sedandas proficiscenti, strenuam verèque Heroicam operam luculenter probauit, cum fidum se ei &



indiuifum omnium itinerum atque duriffimorum laborum focium adderet, afperitatem hiemis, inediae, multorumque incommodorum ac periculorum grauiffimorum vndique tunc imminentium forti ac infraeto animo subiret, nihil adextremum intentatum relinqueret, quo famam fuam in Orbis terrae memoriam fempiternam diffeminat. Quo fanè tempore, incenfus amore Patriae, cuitum defendendae omnes fuas vires intenderet, animofè contra perduellem Mofcum decertando, cum Curtio illo Romano aut Athenienfi Codro in apertiffimum difcrimen pro eius falute caput fuum obiecit, & pro Rege Sereniffimo venalem morte vitam circumferens, fanguinem & animam effundere generofiffimè ac fideliffimè in illa ferali acie non dubitauit.

Age verò, quibus gradibus ad immortalitatem gloriae contenderit, decus & ornementum Reipublicae Polonae **NICOLAVS GEORGIVS** Dux Czartorifci, Caftellanus Voliniae, digniffimus Parens Tuus, qui cum antiqua gentis nobilitate clarus, longè tamen virtutibus fuif illuftrior, nihil vnquam in vita non egregium, non amplum cogitauit & perfecit, vt dubium fit, plusne generofa eius virtus in bellis, an in pace fapientia & moderatio enituerit. Hic enim iam inde à prima adolefcentia velut alter Scipio Africanus, aut Pompeius Magnus, nondum patientibus annis, è ludo ad bellum maximum, è pueritiae difciplina ad hoftes acerrimos, contra Valachos, Scythas, & Turcas in aciem profiliens, suaeque fidei commiffam inftitutiffimam fortium militum manum ducens, hoc vnum illo calamitofò Reipublicae tempore incredibili fuâ prudentiâ & vigilantia egit, vt & Patriae dignitatem ab infultu barbarorum, & militum fuorum integritatem tueretur. Nec fortuna defuit; nam eâ tempeftate, fingulari fortitudine Turcarum faeuiffimo furore perdomito, nafcenti primùm suae gloriae immortale in animis omnium erexit monumentum, futuraeque fortitudinis porrexit documentum. Parem animi fui dexteritatem & promptitudinem pro charitate Patriae exhibuit, cum infurgentibus in Liuania procellis, quae non ferendam calamitatem aris & focis noftris intentabant, non tulit hanc omnium deterrimam conditionem Illuftriffimus Parens Tuus, quin potiùs ad pacandos illos motus & tranquillandam Liuiam, proprijs ac ingentibus impenfis figna produceret, à quibus animi copiaque hoftiles magna cum fua ftrage ceciderunt. Magna haec funt Illuftriffimi Parentis Tui laudum argumenta, fed haec longè maiora, quòd Te, **PRINCEPS ILLVSTRIS SIM E**, tantum Epifcopum ac tam eximium Reipublicae Ciuem, cuius prudentiâ confilioque cum Cathedrala Pofnaniensis, tum ampliffimus Senatorum Ordo, magno cum fuo fructu laetiffimus perfruetur, perquam feliciter genuerit. Quare gaudere debet fuo tanto tamque excellenti bono, & frui hac diuinitus fibi oblata felicitate, dum Te, **PRINCEPS ILLVSTRIS SIM E**, non vt quondam Rhodius Diagoras duos duabus coronis filios, fed vnum longè fulgentiffimis tribus Mitrarum Coronis, Ducali, Doctorali, Epifcopali, ob fuma Tua in Ecclefiam, Rempublicam Polonam & literariam merita coronari; eundemque in Ecclefia Dei vigilantiffimum Paftorem, & Doctorem praefantiffimum, in Senatu Ciuem Patriae prudentiffimum, Literarum fautorem ac Patro-



750

ac Patronum beneficentissimum, incredibili sui cum animi voluptate vniuersæque augustæ Vestræ Prosapiæ lætitia concordibus omnium vocibus ac votis appellari sentit.

Sed ne Paterno genere prædicando præsentem meam dictionem occupare, Maternum vero dissimulando præterire videar, utroque licet si vetera spectes, æquè Te gloriari, **PRINCEPS ILLVSTRISSE**, non inconueniens est; cum præsertim inde quoque tot viri fortissimi, tot Ductores prudentissimi, tot Heroës in vniuersum Orbem Terrarum ac sempiternam memoriam gloriosissimi prodierunt. Vt enim à prima origine Illustrissimæ Heroïnæ Matris Tuæ splendorem ac claritatem Corecianam non repetam, quod & longum nimis esset, & nobis id angustia temporis non concederet, primum ex hoc Heroïco sanguine nostræ memoriæ Illustrissimum Ducem **BOGVSLAVM** Corecium, Palatinum Voliniæ reproduendum censui, virum cum animi & consilij magnitudine clarissimum, tum Patriæ amantissimum, & defensorem fortissimum, cuius egregia facta fastis æternitatis consignata, nullâ temporis vetustate abolenda, viua atque in hominum memoria recentia permanebunt. Quo verò orationis genere, aut quâ styli elegantia ad amplificandas & colligendas Tuas immortales adoreas in acie partas me insinuabo, ô Regni splendor, barbaricæque immanitatis terror, decus Ducum, generosissime **SAMVEL CORECI**! cuius ego Heroïs robur & animi magnitudinē non solum Poloniæ, sed quod scio cunctis gentibus admirandam iure dicam, qui tantum in scientia rei militaris, in gerendis bellis, victorijs, triumphis profecit, ut omnes eius fortitudinis incrementa laudare facilius possint, quam æmulari. Sensit id Valachia, Moldauia, Moscouia: sensit Tartarorum peruicacia: sensit insuper & ipse prædo Asiaticus, dum non rarò atrocissimas eius feras, ex cauernis ac latibulis suis in ditiones Polonorum erumpentes, æterna cum ignominia suaque cum laude inclyta contriuit & suppressit. Sed heu dolendum, quam iniquo Reipublicæ fato, hic tam fortissimus Imperator tandem densissimis ac vehementissimis vndiquaque barbarorum fulminibus circumfusus & concussus, magno cum dolore Orbis Sarmatici occubuit, quem in Solo Patrio incertissimam Ecclesiæ ac Patriæ defensionem æternum stare oportebat. Sed memoriam tantæ & tam inusitatæ magnanimitatis excipiet ac tuebitur immortalitas, quæ in omnem posteritatem cum summa apud bonos omnes gratitudine est duratura. Vnde nec Tu **PRINCEPS ILLVSTRISSE**, tam memorandâ Auunculi Tui morte illi gloriosâ commoueri debes.

Adsunt Tibi præterea eodem sanguine propagati Illustrissimi **VINSNOVECII** Duces, qui cum in primis sui generis amplitudine cæterorum Familijs faciliè præstent, tum eam fortitudinis laudem admirandis suis virtutibus sibi parauerunt, ut & superiorum ante se Heroüm facta non modò adæquarint, verum etiam reliquis omnibus spem assequendi post se ademerint. Adest **DEMETRIVS** Dux, qui quantum animi ac corporis viribus valuit, factis docuit & ostendit. Vix ille vnquam emerita arma suspendebat: iam hosti armatus instabat, solus infatigabilis bella bellis continua-



bat, victorias victorijs cumulabat, nec vnquam se vicisse, nisi vinceret, putabat. Iam ex Turca nobis infensissimo victor redibat, iam Scytharum rabiem & frequentes impetus eneruabat, Valachiam, Moldauiam, adiacentesque eorum pagos & oppida euertebat, ac dirimebat. Adest ALEXANDER VISNOVECIVS Czartorisci Dux, Capitaneus Circassiensis. Adest ANDREAS Dux, primò Castellanus, deinde Palatinus Voliniæ, Proauus Tuus. Adsunt duo fidissima Patriæ propugnacula, GEORGIVS Dux, & CONSTANTINVS Palatinus Russiæ, Tui Parentis gloriosissimi Auunculus, qui cùm se ex Familia fortissimorum Heroùm progenitos, nec aliam sibi viam ad immortalem gloriam consequendam patere, præterquam pietate & armis intelligerent, perpetuas sibi pro nomine Christiano & salute publica contra hostes immanissimos excubias gerendas esse censuerunt. Intuere nunc, PRINCEPS ILLVSTRISIME, veram generis Tui propaginem HIEREMIAM Ducem Visnouecium, Palatinum Russiæ, nouum in Orbe Polono exortum Scipionem, tot opimis spolijs, prælijs, victorijs, atque triumphis vltra humanam fidem gloriosum, cuius animi generositate ita semper pacis publicæ, ornamenta ac vniuersorum Ciuium incolumitas nitebat, vt nisi ille viam tot hostium cædibus aperuisset, spem totius Polonæ gentis ac vota irrita fecisset: qui nutantem Russiam propter perpetuam Tartarorum vexationem confirmavit, contra Scythiam, Moscouiam, tot vexilla delectissimorum virorum, magnis suis sumptibus reproduxit, quibus cùm perduellium Moscorum pertinaciam fregit, ac Serenissimis Poloniæ Regibus parere cœgit, tum etiam Tartarorum innumeras copias sæpè sæpius acie profligauit. Sed desint hæc, quæ paulò ante satis laudabiliter gessit: an non præsentis victoriæ, quas ex rebelli Cosacorum Tartarorumque multitudine auspiciatissimè reportauit, ad perennem gloriam ei consequendam sufficient? Qui solus ferme tanquam verus Aquilæ Polonæ pullus, cæteris in varias partes auolantibus, velut alter Cocles Sarmaticus armatas Cosacorum copias sustinuit. Ille profanationes Templorum & altarium: ille vastitatem agrorum, depopulationem bonorum communium, conflagrationem pagorum & oppidorum: ille vexationes virginum, cædem Sacerdotum, internecionem nobilium, aliaque eius generis immanissima perduellium facinora, zelo diuini amoris Patriæque charitate incensus, non numero militum, sed virtute suâ seuerissimè vindicauit: vt verissima fama de eo prædicaretur, quantum reliquis timoris, tantum huic animi roboris, quantum alijs ad fugam velocitatis, tantum huic ad ferendam opem labanti Patriæ celeritatis fuisse, multaque aggressum esse & confecisse gloriosè. Sit ergo clarus ille Camillus, cuius consilio atque virtute quondam vrbs Romana Gallorum crudelitati erepta fuit: ornetur eximiâ laude assertor libertatis Romanæ Cicero, qui Catilinæ facem impiæ coniurationis extinxit: sit in æterna gloria Scipio Iunior, qui Carthaginem Pœnorum audaciâ & contumaciâ rebellem liberauit: esse apud nos posterosque nostros gloriosus debet Dux HIEREMIAS Visnouecius, qui Regnum Poloniæ, libertatis domicilium, pietatis sacrarium, cùm tot superioribus, tum potissi-



potissimum his temporum Regni turbinibus, suâ suorumque virtute militum conseruauit. Sed quorsum ego viri fortissimi plusquam Herculeâ factâ exaggerare contendo, qui in dies virtute suâ illustrior redditur, quod cum illi, tum etiam Tibi, PRINCEPS ILL<sup>ME</sup>, in præsentis ascensus Tui honore non mediocrem auget voluptatem.

Hic est splendor Tuus Gentilitius, hæc Maiorum Tuorum vetustas & amplitudo, hæc Tua nascendi felicitas, quæ Tibi apud omnem posteritatem sempiternum decus est allatura. Egregiam profectò viri nobilis laudem, cui virtus Parentum in ipso ortu instillata, multa que serie optimè factorum aucta ac decorata, maiora in dies virtutum sumit incrementa. Enimuerò nisi istarum accesserit claritas, obscurus omnis natalitiorum splendor in tenebris iaceat, omnia quæcunque hæc animorum lucerna suo non illustrauerit lumine, immò ne lux illa ab antiquitate olim honori dedicata radiat, si ab hac flamma & lumine virtutis non fuerit accensa. Hæc nimirum est velut quidam Sol animorum, sine quo ne astra quidem ipsa lucerent, quæcunque mortalium auitas domos ornant atque illustrant. Probè hoc intellexeras PRINCEPS ILL<sup>ME</sup>, propterea non tantopere præstantiâ licet nobilissimi generis gloriari cupiebas, quàm potius virtute propriâ niti, ingenium excolendo, in quo vera stemmata & genuina hominis excellentia sunt fixa & posita. Superuacaneam ac odiosam existimasti illorum filiorum iactantiam, qui parentum suorum pulchritudinē nacti, plurimis eam turpitudinis næuis deturpârunt, illamque solidam & veram laudem semper arbitratus es, quæ proprijs virtutum insignijs colluceret. Docuisti id ipsum luculenter, PRINCEPS ILL<sup>ME</sup>, qui naturæ bonitatem, ingenijque felicitatem diuinitus planè consecutus, non ludis aut otio illibatum illum adolescentiæ florem occupasti, verum illis sedulò artibus inhiaisti, quibus institutus olim honori Ecclesiæ ac dignitati Patriæ conspicuus radiares. Vidimus in Te, PRINCEPS ILL<sup>ME</sup>, & submissè venerati sumus admirandam eruditionis Tuæ præstantiam, quam Tu inde à puero contento cursu ita capeſſebas, ut meritò propter excellentem, tam in rerum diuinarum quàm humanarum disciplinis, atque adeò in omni genere scientiarum doctrinam, in vrbe illa, quæ cæterarum urbium Regina atque Domina est, & in qua pietatis & sacrorum omnium domicilium iam pridem constitutum est, laureâ Theologicâ, spectantibus Senatus Hierarchici Principibus, annuente & plurimum lætante inde Supremo religionis Antistite decoratus sis gloriôsè. Et certè illo ipso tempore, quo tantus Doctor magnis cum gratulationibus vniuersorum renuntiareris, quantum literato honori tribuendum sit, amplâ & præclarâ cogitatione fatis abundè ostendisti. Iam verò hoc corruptissimo æui an hominum vitio, quæ barbaries? qui torpor? quæ insania non dementauit animos hominum? qui spretis veræ doctrinæ sapientiæque amœnissimis viretis, sordidæ ignorantæ acutissimis spinis, asperrimis vepretis, carduis, & alijs id genus insipientiæ dumetis passim inhorruerunt. Neque solum ea insipientia humiles vulgi sensus occupasse, sed etiam ipsa generosa pectora excantâsse videtur. Solenne erat Maiorum nostrorum memoriâ, ut nusquam



ad eminentiores in Ecclesia Dei functiones aut Magistratus obeundos, nisi Viri literatissimi, iidemque laurearum insignijs decorati admitterentur. At verò hac obliquâ rerum tempestate, contemptis Sacrorum Conciliorum Canonibus, & neglecto vetere obseruando Maiorum instituto, augusti illi virtutibus olim debiti honores, non tam virtutis aut eruditionis alicuius ornamenta, quàm fumosa vanitatis documenta per summam malitiam reputantur. Sed Tu, PRINCEPS ILL<sup>ME</sup>, Tuâ illâ egregiâ in literis contentione, illo præclaro ad omnem virtutum & scientiarum præstantiam impetu, illâ amplissimi Tui Doctoratus accessione, non modò deprauati istius seculi detestandum fucum absterxisti, verùm etiam insana iudicia, illam tetram erroris ac pertinaciæ illorum culpam, qui bonis literis atque laureatis fuerunt infensi, exempli Tui claritate eluxisti. Tu illorum præterea infirmas opiniones reprobasti, qui virtute quoque solâ contenti, nihil splendoris sibi ab eruditionis luce posse aduenire arbitrantur, abundèque docuisti, pulcherrimum esse virtutis cum eruditione commercium, quo si virtus destituta fuerit, omnino viduam ac mancā eius conditionem esse est necesse. Eam Tu igitur, PRINCEPS ILL<sup>ME</sup>, grauissimam arbitratus sententiam, ita Te in superiori ætate comparabas, vt eruditos probitate, & probos eruditionis laude superares, ita secundas doctrinæ ferebas, vt tamen primas virtutis obtineres. Tu insuper, PRINCEPS ILL<sup>ME</sup>, iam à multo tempore mortuam & ingrata obliuione sepultam, memorandam Magnorum virorū consuetudinē, DVCVM MASOVIORVM, GEDROCIIORVM, TECINIORVM, OPALINIORVM, OSTROROGIORVM, OLESNICIORVM, VISNICIORVM, ZAMOSCIOCIORVM, LVBRANSCIORVM, TOMICIORVM, CHOINIORVM, GOSLICIORVM, CONARIORVM, BARANOVIORVM, DEBINIORVM, OCIESCIORVM, & sexcentorum aliorum excitasti, qui Illustrissimis orti Maioribus, quondam in Academia nostra Cracouiensi optimè literis instituti, semper maximo honori sibi duxerunt, sua tempora Lauro redimiri. Tantorum Tu itaque Heroū, PRINCEPS ILL<sup>ME</sup>, viam ingressus, in nullo à tam laudatissimis eorum institutis deflexisti, qui ad omnia summa natus, nihil vnquam eorum prætermittendum esse voluisti, quod Te Orbi vniuerso perfectissimum iuxta ac gloriosissimum de prædicaret. Et cū in Tuas virtutes celebrandas cunctus Senatus, omnis Equester Ordo assurget, ipsa Musarum subsellia, ipsæ Sapientum voces Tuis etiam laudibus personabunt, diuinamque Tuæ sapientiæ vim extitisse per Cathedras ac theatra literarum testabuntur. Loquitur iam Italia, loquitur Polonia, Te profundissima scientiarum arcana, partim in Vrbe Romana ac multis alijs Europæ partibus, partim in Celeberrima Cracouiensi Ciuitate, in Conuentibus Religiosorum ac doctissimorum virorum publicè sapissimè disputantem satis superque explicasse. Nostra quoque Inclyta Cracouiensis Academia non obscurabit vnquam turpi silentij nube clarissimum Tuæ sapientiæ lumen, quæ Te quoque intra parietes suos libens audiit doctissimè differentem. Atque cū tantâ sapientiæ Tuæ famâ ora atque animos vniuersorum compleres, & in Tui admirationem pertraheres, iam tum luculenta por-



758

ta porrigebas indicia, Te non solum Collegis Tuis amplissimi Capituli Cracouienſis, inter quos inſigni doctrinâ velut luminare quoddam fulgentiſſimum micabas, maximo fuiſſe ornamento, verum etiam digniſſimum probari, qui ad nobiliores ſuſtinendas Eccleſiæ partes euoceris, quò magis latiùs ſapientiæ lumen in Eccleſiam Dei diffunderes. Cum ecce fortunatiſſimo euentu rem comprobante, in hemiſphærio Episcopæ Poſnaniensis inſtar ſtellæ lucidiſſimæ conſtitutus, omnem ab animis Tuæ gregis luce doctrinæ propulſabis caliginē, ſanctiſſimorū conſiliorum atque dogmatū efficaciſſimis viuificabis influentijs, ſemperque piæ institutionis fulgoribus illuſtrabis.

Quid nunc dicam de ſingulari pietate Tua, **PRINCEPS ILL<sup>ME</sup>**, cuius Tu is cultor ſemper ac promotor egregius extitiſti, vt hanc in Te non modò ipſa Cracouienſis Cathedræ decora, ſed vniuerſus deuotus populus mirificè ſuſpiceret: nemoque omnium tam maleuolus aut inuidus reperiretur, qui pietatis Tuæ luculenta exempla, non leuiter preſſa ad exigui temporis prædicationem, ſed fixa ad diurnam poſteritatis recordationem, purâ mente intuens atque recolligens, non Te tam fulgentiſſimâ Tiarâ digniſſimum iudicaret. Splendeat itaque Tua ſacrata Mitra, hoc in ſolenni Tuo ad Eccleſiam Poſnaniensem aſcenſu, auguſtis Maiorum Tuorum imaginibus, niteat Diuinæ ſcientiæ laureis, ornetur tot præcedentium, ſubſequentium vndique ac cingentium Te pompâ, inter hæc tamen ſplendiſſima Tuæ amplitudinis ornamenta, ſola mihi fulgere, ſola triumphare, ſola Te, **PRINCEPS ILL<sup>ME</sup>**, Tuumque Paſtorale Pedum pietas maximè illuſtrare videatur. Vereor, ne huic officiam, dum extollere contendo, & ne plus ipſa Cracouia tacendo dicat, quàm ego loquendo: continere tamen vocem non poſſum, quam nec Tu, ad incrementum diuini honoris in animis mortalium propagandum, amoremque Dei excitandum, vnquam continuiſti. Imminabat alicubi in Eccleſia, ſacra alicuius diei celebritas: Tu, **PRINCEPS ILL<sup>ME</sup>**, diuini cultus in ea promouendi dux & auctor promptiſſimus extitiſti; dum vel myſteria tremendi Sacrificij deuotiſſimè celebrares, vel doctiſſimas peræquè ac zelo amoris diuini ardenſiſſimas Conciones magno cum populi ad pietatem incitamento perorares. Quo ſanè in negotio, more cicadæ mihi proceſſiſſe videris. Vt enim hæc non ore ſed dorſo reſonans, placidiſſimum auribus animiſque hominum concentum edit: ita Tu, **PRINCEPS ILL<sup>ME</sup>**, qui Te totum ac integrum, nullâ externâ incitatus gloriolâ, ſedulò diuinis negotijs mancipaſti, non tantum ipſo Neſtereo ore, ſed maximè Tuorum humerorum nixu atque molimine, & exemplis inculpatæ vitæ loqui ſtudiuiſti: dum amore in Deum maximo, charitate in proximos, miſericordiâ in egenos, affabilitate atque humanitate ſingulari in omnes efulgeres, omneſque vitæ Tuæ rationes ita conformares, vt non modò quicquam eiufmodi ne admitteres, quod aliquâ ratione reprehendi poſſet, ſed quod etiam inuidorum exiſtimatio improbaret. Teſtis eſt pietatis Tuæ ipſa domus Tua domeſticorumque Tuorum ratio, quam Tu tanta cum religione ac ſeueritate ſemper inſtituiſti, vt non aliter domi Tuæ viueretur, quàm in ſanctiſſimo aliquo Conuentu Religioſorum. Quid? quòd omni



tempore, potissimum religionis ac doctrinæ notâ præstantes Viros sic ipse dilexisti, ut domus Tua ingeniosorum ac religiosorum domicilium, pietatis altrix, sapientiæ sedes extitisse videretur. Illud verò quis vnquam sufficienter referre potest, cum qua Tu, PRINCEPS ILL<sup>ME</sup>, spiritus dulcedine, pulsus ex animo superuacaneis mundi negotijs, missis Aulæ fauoribus, posthabitâ magnorum Principum, Senatorum, & quorumuis summorum in Repub. Virorum Tui similibus consuetudine, ipsi Deo pietatiq̃ue perpetuò omnem curam animuq̃ue secretior intenderes? Hæc profectò est lux illa pietatis, quæ augustam Maiestatem Regiam, animumq̃ue Serenissimi CASIMIRI Quarti mirificè illustrauit: qui vbi dignissimorum hominum constantissimâ famâ referente, laudatissima illibata vitæ Tuæ instituta intelligeret, confestim è peraugusti Capituli Cracouiensis Collegio euocandum, & in eminentissimo Te honoris loco, velut ardentem Dei lucernam super candelabrum Episcopæ Posnaniensis, vbi latius radios probitatis Tuæ spargeret, non sine afflatu diuino censuit collocandum. Non defuerunt certè illi, qui hunc amplissimum honorem, perpetuis suis in facie Reipublicæ meritis, iure propè hereditario sibi deberi à Serenissimo Rege contenderent, præsertim cum multorum Candidatorum partes, qui S. R. Maiestati, à multo tempore, magnis cum vitæ fortunæq̃ue suæ impensis, sedulam operam impenderent, strenuè promouerentur; non tamen passus fuerat Rex sapientissimus se vllis expostulationibus à proposito sententia dimoueri, quin prius, vehementibus interea vrgentibus votis, ad templum se velle descendere, Deiq̃ue in sufficiendo Episcopo voluntatem sequi, piè religiosèq̃ue responderet. Annuit itaq̃ue Deus O. M. ut à sacris digressus, Te potissimum inspirante credo Diuino Numine, grauissimo iudicio & Regiâ auctoritate Episcopum Posnaniensem renuntiaret. O factum tanto Monarchâ dignum! O pietatem & iustitiam in distribuendis honoribus summis elogiorum titulis prædicandam! Queri iam sub hoc Rege sapientissimo desinat nonnemo, Virtuti locum non esse, & quod antea multis in ore fuit, quosdam ad summa honorum fastigia obsequiorum artes, nonnullos opum magnitudinem, alios alia, solam virtutem paucissimos euexisse. Deleuit hanc corruptissimi temporis maculam, & veterem illam sapientissimorum Regum in cumulandis dignis honoribus consuetudinem, retentam à paucis, exoptatam diu, CASIMIRVS Quartus nunquam satis laudatâ prudentiâ renouauit, dum non Calatinis aut Placentinis, sed Tibi, PRINCEPS ILL<sup>ME</sup>, Tuæq̃ue virtuti tantum honorem conferendum putauit. Non iam hîc mihi licet, neque est integrum præterire Tria illa sanctissima Serenissimi Regis à Te, PRINCEPS ILL<sup>ME</sup>, per Serenissimam Reginam MARIAM LVDOVICAM Coniugem suam postulata: ut cum primùm solium Tui Episcopatus occupâsses, eum Te Pastorem præstares, qui non Vicariâ operâ, sed ipsâ præsentia, ut quondam Sancti illi Episcopi, STANISLAI, BOROMÆI, OLESNICII, RADIVILI, HOSII, CROMERI, facere consueuerunt, Tempia Tuæ Diocesis lustrares, Cleri vitam inspiceret, bonos amares ac promoueres, & si quid de statione excidisset sua corrigeres:



